



REPUBLIKA E KOSOVËS / REPUBLIKA KOSOVA

GJYKATA THEMELORE GJAKOVË

Numri i lëndës: 2018:025574

Datë: 10.07.2019

Numri i dokumentit: 00403453

P.nr.861/17

NË EMËR TË POPULLIT

GJYKATA THEMELORE NË GJAKOVË – Departamenti i Përgjithshëm, gjyqtari i vetëm gjykues Mentor Bajraktari, me procesmbajtësen Nushe Kadrija – sekretare juridike pranë kësaj gjykate, në lëndën penale kundër të akuzuarit A.Q. nga Gjakova, për shkak të veprës penale lëndimi i lehtë trupor nga neni 188 par.1 nënpar.1.4 të KPRK-së, i akuzuar sipas aktakuzës të Prokurorisë Themelore në Gjakovë – Departamenti i Përgjithshëm, me numër PP/II.nr.1120/17, të datës 07.12.2017, pas mbajtjes së shqyrtimit fillestar **me datën 07.07.2019**, në prezencën e Prokurorit së shtetit Anton Hasanaj si dhe të akuzuarit, në të njëjtën ditë mori dhe publikisht shpalli, ndërsa me datën 08.07.2019 përpilojë këtë:

A K T G J Y K I M

I akuzuari:

A.Q., nga i ati F., e ëma F., e gjinisë L., data e lindjes..., në Gjakovë, ku edhe tani banon, ka vendqëndrim në Gjermani, i martuar, baba i 3 (tre) fëmijëve, ka të kryer shkollën fillore, punon në shtypshkronje në Gjermani, i gjendjes së mesme ekonomike, shqiptar-shtetas i Republikës së Kosovës, me numër të letërnjoftimit të Gjermanisë

Ë S H T Ë F A J T O R

Sepse me datën 29.07.2017, rreth orës 11:00, në Gjakovë, pikërisht në afërsi të shtëpisë të tij, i shkakton lëndime të lehta trupore të cilat rezultojnë me dëmtim të përkohshëm të shëndetit të personit tjetër këtu të dëmtuarit B.G., në atë mënyrë që për shkak të mosmarrëveshjeve paraprake pasi i pandehuri e akuzonte të dëmtuarin se kohë më parë ia kishte vjedhur në shumë të hollave, ditën kritike deri sa i dëmtuari kishte shkuar t’i marrë disa rroba tek tezja e tij, në rrugë takohet me të pandehurin i cili e sulmon duke e goditur me shkelma dhe grushtë në pjesë të ndryshme të trupit, deri sa kanë ndërhyrë kalimtarët e rastit të cilët e kanë larguar, me ç’rast i shkakton lëndime të lehta trupore të konstatuara dhe përshkruara hollësisht në ekspertizën mjeko-ligjore të ekspertit mjeko-ligjor të Dr. D.H. të datës 14.09.2017.

Me këto veprime ka kryer veprën penale lëndimi i lehtë trupor nga neni 188 par.1 nënpar.1.4 të KPRK-së.

Andaj, gjykata në kuptim të neneve 4, 7, 17 par.1, 41, 42, 43, 46, 73, 74, dhe nenit 188 par.1 nën par.1.4 të KPRK-së, të akuzuarin e:

G J Y K O N:

ME DËNIM ME GJOBË në shumë prej 200 (dyqind) Euro të cilin dënim i akuzuari duhet ta paguajë në afat prej 15 (pesëmbëdhjetë) ditëve, nga dita e plotfuqishmërisë së këtij aktgjykimi.

Nëse i akuzuar nuk dëshiron ose nuk mund ta paguaj dënimin me gjobë, gjykata do ta zëvendësojë dënimin me gjobë në kohëzgjatje prej 10 (dhjetë) ditëve, duke ia llogaritur për çdo ditë të kaluar në burg nga 20 (njëzet) Euro.

I dëmtuari B.(S.)G. nga Gjakova, për realizimin e kërkesës pasurore-juridike udhëzohet në kontest të rregullt juridiko-civil.

Detyrohet i akuzuari A.Q., që ti paguaj shpenzimet e procedurës penale dhe atë për ekspertizën mjeko-ligjore shumë prej 20 (njëzet) Euro, shpenzimet e paushallit gjyqësorë në shumën prej 50 (pesëdhjetë) Euro, ndërsa për programin për kompensimin e viktimave të krimit shumë prej 30 (tridhjetë) Euro, të gjitha këto në afat prej 15 (pesëmbëdhjetë) ditëve nga dita e plotfuqishmërisë së këtij aktgjykimi.

A r s y e t i m

1. Ecuria e procedurës penale

Prokuroria Themelore në Gjakovë-Departamenti i Përgjithshëm kësaj gjykate i ka ngritur aktakuzën me numër PP/II.nr.1120/17 të datës 07.12.2017, kundër të akuzuarit A.Q. nga Gjakova, për shkak të veprës penale lëndimi i lehtë trupor nga neni 188 par.1 nën par.1.4 të KPRK-së.

Për sigurimin e prezencës së të akuzuarit në procedurë, gjykata ka lëshuar urdhërarrestin P.nr.861/17 të datës 31.10.2018, ashtu që i akuzuari A.Q. me datë 07.07.2019 është arrestuar në pikën kufitare në Merdare dhe nga Stacion Policor në Gjakovë, i njëjti është sjellë në gjykatë me datë 07.07.2019, dhe është mbajtur shqyrtimi fillestar.

Prokurori i shtetit Anton Hasanaj, gjatë shqyrtimit fillestar ka qëndruar në tërësi pranë aktakuzës kundër të akuzuarit, andaj ka propozuar që i njëjti të shpallët fajtorë dhe të dënohet sipas ligjit.

I akuzuari A.Q., gjatë shqyrtimit fillestar ka deklaruar se : e pranon fajësinë për veprën penale për të cilën akuzohet, jam penduar për këtë veprim dhe i premtoj gjykatës se në të ardhmen nuk do të përsëris veprime të këtilla, dhe është hera e parë që jam paraqitur në gjykatë.

Prokurori i shtetit Anton Hasanaj, duke dhënë mendim rreth pranimin të fajësisë ka deklaruar se : nuk e kundërshtoi pranimin e fajësisë pasi që i akuzuari e kupton natyrën dhe pasojat e pranimin të fajësisë, pranimi i fajësisë bëhet me vetëdije dhe vullnet të plotë, si dhe pranimi i fajësisë mbështetet edhe në faktet dhe provat që mbështetet aktakuza, andaj i propozoj gjykatës që të njëjtën ta pranojë.

2. Vlerësimi i pranimi të fajësisë

Në shqyrtimin fillestar dhe publik, gjyqtari i vetëm gjykues pas dëgjimit të palëve ka marr aktvendim me të cilin ka pranuar pranimin e fajësisë ngase ka ardhur në përfundim se pranimi i fajësisë nga ana e të akuzuarit është bërë në pajtim me nenin 248 të KPP-së. Gjatë

pranimi të fajësisë gjyqtari i vetëm gjykues konstatoi se i akuzuari ka kuptuar natyrën dhe pasojat e pranimi të fajit, pranimi është bërë vullnetarisht, pranimi i fajit mbështetet në faktet e çështjet që përmban aktakuza, në materialet e prezantuara nga Prokurori i shtetit dhe çdo provë tjetër dhe se aktakuza nuk përmban asnjë shkelje të qartë ligjore ose gabime faktike dhe se nuk ekziston asnjë nga rrethanat e parapara në nenin 253 paragrafët 1 dhe 2 të KPP-së, për pushimin e procedurës penale përkatësisht hedhjen e aktakuzës.

3. Gjendja faktike e vërtetuar

Duke u bazuar në këto që u cekën më lartë gjyqtari i vetëm gjykues ka vërtetuar këtë gjendje faktike.

- se i akuzuari A.Q. me dashje ka kryer veprën penale të lëndimit të lehtë trupor nga neni 188 par.1 nën par.1.4 të KPRK-së, në kohën, vendin dhe mënyrën e përshkruar si në dispozitiv të Aktgjykimit.

4. Elementet e veprës penale

Në nenin 188 par.1 të KPRK-së, është parashikuar se formën themelore të veprës penale lëndimi i lehtë trupor e kryen: *“Kushdo që personit tjetër i shkakton lëndim të lehtë trupor, i cili rezulton: nënparagrafi.1.4 ka përcaktuar: me dëmtim të përkohshëm të shëndetit të personit tjetër, dënohet me gjobë ose me burgim deri në një (1) vit.”*

5. Vendimet e gjyqtarit të vetëm gjykues

Andaj, duke u bazuar edhe në gjendjen e vërtetuar faktike, gjyqtari i vetëm gjykues duke u bazuar në dispozitat ligjore të lartpërmendura, e ka shpallur fajtor të akuzuarin A.Q., për shkak të veprës penale lëndimi i lehtë trupor nga 188 par.1 nënpar.1.4 të KPRK-së, ngase veprimet e të njëjtut i përmbajnë të gjitha tiparet e kësaj veprë penale dhe për këtë ka vendosur që të akuzuarin të shpall fajtor dhe të gjykojë në bazë të ligjit, e më parë duke vërtetuar përgjegjësinë penale juridike të tij.

6. Rrethanat që janë marrë për bazë me rastin e shqiptimit të dënimit

Me rastin e marrjes së vendimit mbi dënimin ndaj të akuzuarit gjykata vlerësoi të gjitha rrethanat në kuptim të nenit 73 dhe 74 të KPRK-së të cilat ndikojnë në zgjedhjen e llojit dhe lartësisë së dënimit, prej rrethanave lehtësuese gjykata ka vlerësuar rrethanat personale të akuzuarit: është baba i 3 (tre) fëmijëve, mbajtës i familjes prej 4 anëtarësh, në gjykim ka pasur qëndrim tejet korrekt si dhe faktin që më parë nuk ka qenë i dënuar. Ndërsa si rrethana posaçërisht lehtësuese për të akuzuarin gjykata ka vlerësuar pranimin e fajësisë nga ana e tij në shqyrtimin fillestar për veprën penale për të cilën ngarkohet, pendimin e tij duke i kërkuar falje palës së dëmtuar dhe premtimin se në të ardhmen nuk do të kryejë vepra penale. Kështu që duke mos gjetur rrethana rënduese gjykata ka ardhur në përfundim se me dënimin e shqiptuar si në dispozitiv të këtij aktgjykimi, do të arrihet efekti dhe qëllimi i dënimit nga neni 41 të KPRK-së dhe se ky dënim si i tillë i shqiptuar sipas bindjes së gjykatës është në proporcion me veprën penale të kryer dhe me rrethanat personale të cilat i posedon i akuzuari dhe se dënimi i shqiptuar do të ndikojë në parandalimin e të akuzuarit nga kryerja e veprës penale në të ardhmen dhe do të bëjë rehabilitimin e tij, do t'i parandalojë personat e tjerë nga kryerja e veprave penale dhe do të shprehë gjykimin shoqëror për veprat penale, ngritjen e moralit dhe forcimin e detyrimit për respektimin e ligjit.

7. Vendimi për realizimin e kërkesës pasurore-juridike

Vendimi mbi udhëzimin e palës së dëmtuar për realizimin e kërkesës pasurore-juridike në kontest të rregullt juridiko - civil është marrë në kuptim të dispozitës së nenit 463 par.2 lidhur me par.1 të KPP-së.

8. Vendimi për shpenzimet e procedurës penale

Vendimi mbi shpenzimet e procedurës penale dhe shpenzimet e paushallit gjyqësor është marrë konform nenit 450 par.1 dhe 2 lidhur me nenin 453 par. 1 të KPP-së, ndërsa për programin për kompensimin e viktimave të krimit është marr konform nenit 39 par.3 nënpar.3.1 të Ligjit Nr.05/L-036 për Kompensimin e Viktimave të Krimit.

Me sa u tha më lartë u vendos si në dispozitiv të këtij aktgjykimi, konform nenit 365 të KPP-së.

GJYKATA THEMELORE NË GJAKOVË
- Departamenti i përgjithshëm -
P.nr.861/17, me datë 07.07.2019

Procesmbajtësja,
Nushe Kadrija

Gjyqtari i vetëm gjykues,
Mentor Bajraktari

UDHËZIMI JURIDIK: Kundër këtij aktgjykimi pala e pakënaqur ka të drejtë ankese në afat prej 15 ditësh pas marrjes së aktgjykimit, në Gjykatën e Apelit të Kosovës në Prishtinë, nëpërmjet kësaj Gjykate.